



2. januar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit:**

- 1. Angallat 6 meterinik naannerusooq inuutissarsiornermut atorneqassappat pisortanit akuerineqaqqaartussaava?**
- 2. Umiatsiaq 6 meterinik naannerusooq piunasaqaatinik naammassinneqaartariaqarpa inuutissarsiorluni aalisarnermut atorneqassaguni?**
- 3. Angallatip sananeqaataanut atortuinullu piunasaqaatit suut piunasarineqartarpat angallat akuerineqassappat?**
- 4. Umiatsiaq akuerineqarsinnaangippat imaluunniit angallatit 6 meterinik naannerusut ESU-mit taarsigassarsinnaangussappata taava soorlu isumannaallisaanermut atortut pillugit piunasaqaateqartoqartarpa?**
- 5. Angallatip CE-mut akuerineqarsimanissaa piunasaqaatigineqartarpa angallat inuutissarsiornermut atorneqassappat imaluunniit ESU-miit taarsigassarsitinneqarsinnaangussappat?**
- 6. Imaassimappat angallatip ilusaa pillugu piunasaqaateqanngitsoq imaluunniit angallatip sillimanissamut atortoqarnissaa piunasaqaataangippat taava isumannaallisaanermut atortoqarnissamut allanik piunasaqaateqartoqartarpa pisortanit taarsigassarsisoqassappat?**
- 7. Umiatsianut/angallatinut 6 meterinik takinerusunut 9 meterinilli naannerusunut allanik piunasaqaateqartoqartarpa?**
- 8. Naalakkersuisut allanik paasissutissaateqarpat inuutissarsiutitut atorneqartunut angallatinut 6 meterinik takinerusunut 9 meterinilli naannerusunut attuumassuteqartunik?**  
(Inatsisartunut ilaasortaq Steen Lyngge, Demokraatit)

**Tungavilersuut**

Naluneqanngilaq aalisartorpassuit piniartorpassuillu angallatiliortartut assigiinngitsut angallatiliaannik angallateqartartut inuutissarsiutertik ingerlakkumallugu. Angallatit tamakku soorunami assigiinngitsunik pitsaassuseqarput isumannaassuseqarlutillu apeqqutaalluni inuutissarsiutitut atugassanngorlugu ilusilersunganersut imaluunniit kalaallit nunaata imartaani atugassanngorlugit sanaajunersut. Peqataanik angallatit tamakku assigiinngitsunik isumannaallisaanermut atortoqarput.



**DEMOKRAATIT**  
DEMOKRATERNE

Ajoraluartumilli piniartut aalisartullu angallatinik mikisunik angallatilli amerlavallaat ajunaartarput inuutissarsiumminnik ingerlatsiniartillutik. Tamakku pisartut alianartut pissuteqarsinnaapput pissutsinik pisartunillu amerlasuutigut piumasaqaateqarnikkut pinngitsoortinneqarsinnaagaluartunik. Imaanngilarli pisortaniit angallatip sananeqaataa atortuulu eqqarsaatigalugit isumannaallisaanikkut piumasaqaateqartoqarsinnaanngilluinnartoq. Angallatip isumannaatsuunissaa taamatullu angallammi isumannaallisaanermut atortoqarnissaa pillugu pisortat minnerpaaffiliillutik piumasaqaateqarsinnaasariaqarput.

Ullut sulliviit qulit naliginnaasut iluanni apeqqutinnut akissutit tigunissaannut qilanaarpunga.